

繆荃孫全集

日記

2

藝風老人日記（二）

鳳凰出版社

繆荃孫 著

張廷銀 朱玉麒 主編

繆荃孫全集

繆荃孫 著
張廷銀 朱玉麒 主編

 鳳凰出版社

日記

②

藝風老人日記（二）

藝風老人日記（二）

藝風老人日記(二)目錄

己亥日記(一八九九年).....	5
庚子日記(一九〇〇年)	57
辛丑日記(一九〇一年).....	111
壬寅日記(一九〇二年).....	164
癸卯日記(一九〇三年).....	218
甲辰日記(一九〇四年).....	269
乙巳日記(一九〇五年).....	322
丙午日記(一九〇六年).....	376
丁未日記(一九〇七年).....	430
戊申日記(一九〇八年).....	485

己亥日記(一八九九年)

光緒廿五年元旦，陰。祀先，賀年。編輯《徐星伯先生事略》。讀《靈巖光福碑》。是日己酉。

二日庚戌，小雨，旋止。編輯《徐星伯先生事略》。跋《山西碑》。清理《容春堂集》。讀《先正事略》，選入《碑傳集》。檢《道西日記》、《勸學篇》與洪晴川。

三日辛亥，晴。接永賢信。接上海蒯禮卿電，促赴滬。讀《蘇州府學碑》。發陳善餘信。編輯《徐星伯先生事略》。

四日壬子，陰。編輯《徐星伯先生事略》。吳仲飴來。交《二鄉亭詞》與刻字鋪。老聶來。為陳杏生太夫人寫壽對。花牌樓防營失火，火光逼近，幸即撲滅。晚小雪。

五日癸丑，陰。祀先。收景象藏於牘。發汪子淵信，蒯禮卿信。撰《孝經正義序》。晚雨竟夕。

六日甲寅，雨。午後陰。庶祖母生辰，家祭。二女兩周歲，餐麪。拜張伯純、吳仲飴、劉斌卿、聚卿。收拾行李。交乾隆本《李元靖碑》並乾隆重摹碑與老聶。晚小雨。

七日乙卯，陰。張伯純來。接孫景裴九江信。寄《二妙集》藁本與陶子霖。

八日丙辰，小雨。起程至下關，與松晴川、李藝淵、曾鶴松同上

江裕船。又晤陳得之。

九日丁巳，晴。申刻至上海。禮卿專人來迎。先至周呂記晤禮卿。行李上晉昇棧。拜汪子淵、茅子貞、吳申甫，方知碩卿移寓吳門，吳項亦還清矣。還《農學報》六十冊與報館，辭今年派報。禮卿約至金谷春大餐，吳仲樓、劉襄蓀、譚□□叔裕之子祖綸。送壽對壽燭與陳杏蓀。

十日戊午，晴。李一晴、茅子貞、吳申甫，汪子淵來。偕董仲甫買帽子、洋櫻桃、洋葡萄。寄丁脩甫五十元、《先哲遺書》乙部。還申甫五十元。拜盛杏蓀、莊誦先、李一晴、蔣伯斧、汪穰卿、社耆、蒯禮卿。一晴招至春和館小酌，禮卿、薩鼎銘、王君九弟卿之子季烈同席。訪謝斐君，開果盤，給十三元。又訪金小寶，晤羅誠伯。發家書。

十一日己未，雨竟日。詣茅子貞談。子貞約雅敘園小集，李洛才、葉浩吾、汪子淵、方守六燕廉同席。過吳申甫處看書。禮卿約林絳雪寓小飲，羅誠伯、茅子貞、潘芸孫、方守六同席。發梅婿信。寄凌湖蓮子、洋葡萄、洋櫻桃、金陵板鴨四色，又給福女一包，交信局帶杭。雨竟夜。

十二日庚申，雨。早詣禮卿談，同至徐家匯拜福開森、金世和。回至泰和館小酌。看吳申甫書。發張季直信。拜羅誠伯貞意，禮卿約金寶寓小飲，劉問芻學詢、汪穰卿、羅誠伯、潘芸孫學祖、茅子貞、方守六同席。與吳申甫清帳。

十三日，小雨。汪子淵來。同詣盛杏蓀談。杏蓀不允。一晴赴南京。留陳定九《留溪外傳》書板，孫、唐二補遺緩議。聞吳粵生兄來，往訪，不值。詣吳申甫處看書。在謝斐君寓酒敘，郭月樓道直、粵生、潘韻笙、汪穰卿、蒯禮卿、茅子貞同席。

十四日，晴。吳粵兄來。禮卿招赴一品香，陪福開森，晤方杜洲臻朗，廿年不見矣。飯後偕粵兄坐馬車至愚園茶敘，同招一小照回。至謝斐君寓小憩。雅敘園晚飯，晤周芸江文煦。潘韻笙招飲金小寶寓，劉問芻、蒯禮卿、茅子貞、羅誠伯同席。送《留溪外傳》樣本與盛杏公。

十五日癸亥，晴。赴陳杏生處，祝其太夫人壽。拜潘芸蓀、洪蔭之、何枚升，偕禮卿游張園。晤李體乾秉瑞、洪蔭之。在禮卿寓夜飯。發劉光珊信，寄還《桐華樓詞》、《萍綠詞》。送粵生《繆李二公集》一部，《中興頌》一本。送杜洲《繆李二公集》一部。羅誠伯招飲於金小寶寓。

十六日甲子，陰晴不定。洪蔭之、吳申甫來。詣汪子遠談。偕禮卿詣盛杏蓀談，並早飯。座上晤吳子佩觀樂。洪蔭之名述祖。入城購灰鼠袍壹件、古錢十枚。約周萊仙、蔣詞仙、鍾子和、吳申甫在謝斐君寓酒敘。晚微雨。

十七日乙丑，陰。晤王雪丞、沈子培，皆同寓。詣何枚生談。又詣蒯禮卿，座上晤黃乙生。接丁脩甫去年祀灶日信，寄《句容志》全部。禮卿約王旭莊、沈子培、何枚生、黃乙生、王君九小飲一品香。與枚生議不合。又至普慶生謝湘卿寓，周萊仙招飲也。詞仙、子和、申甫同集。

十八日丙寅，雨。與王雪橙、沈子培談。開店帳。詣汪穰卿、茅子貞辭行。發行李上江永。開發局帳。吳申甫約洪文蘭寓小飲，孫問青、周萊仙、蔣詞仙、凌佩卿同席。汪穰卿又約梁紅芝寓小飲，蒯禮卿、劉問芻、茅子貞、羅誠伯、洪蔭之同席。亥刻上船。禮卿同行。

十九日丁卯，雨。遇陳伯雅、朱吉齋瑞。

廿日戊辰，陰。卯刻到下關。辰刻到書院。閱凌塵遺信，有夢槩信、胡介春信、金筱齡信、《農學報》信、陶子麟信、洪晴川信、丙青信為購地事、夏閏枝信寄書帖、眉卿信。校《北郭集》。接湯毅原信。拜吳月生、張受之、朱虎臣文炳。

廿一日己巳，晴。朱虎臣來。校《北郭集》畢。約吳月生、秦伯虞、陳雨生、張受之、陳伯雅、程鼎臣小飲雲自在龕。

廿二日庚午，晴。撰《北郭集》跋。送《句容志》與苕生，並寄一函。送帳與聚卿。接閏枝信、惲仲山信。校《劉徵君年譜》。發丙青信，託購湖北武勝門外地。書屏、子霖來。接祿田信及年總，德豐又虧二百餘千，殊不可解。

廿三日辛未，晴。洪晴川來，借《國史五傳》去。接馮潤田信，知《山右石刻叢編》已到。跋金碑。

廿四日壬申，小雨，午後晴。跋金碑。發惲仲山信、祿田信。制軍來談，云其兩姪孫欲從游。讀王船山《通鑒論》。制軍送席。校高麗碑全文。

廿五日癸酉，雨。跋金碑。汪鍊夫久華、林洪北尚仁、吳蓉生、楊少農、顧甄甫來。拜歐陽潤生。秦伯虞，陳雨生招飲，丁禮民、沈安山、鮑安生、司馬晴江、翁長芬同席。先生開學。約小雅、周伯祿陪先生，雲洲不至。校高麗碑全文。發夏閏枝信。

廿六日甲戌，陰，晚晴。校高麗碑全文第二冊。郭伯剛寶銘、劉嘉樹名譽來。顧甄甫來。拜首府、糧道、拱北、受之、伯虞、洛才、趙湘圃。跋金碑。發常州有夢槩信。接金滄生信。逐張貴。

廿七日乙亥，陰。繼母諱日，家祭。校高麗碑全文第三冊。發

常州惲仲山信、金澐生信、德豐信。新甯劉虞聲思鑄、冠侯思鋈來受業。校金碑。晚大雷雨。

廿八日丙子，陰。接太原電，催序文。拜郭伯剛，面交五百元、永賢信、瞿耕甫信、陶子霖信，並吳、劉兩年譜。又拜朱虎臣、褚伯藥、李洛才。翁生長芬招飲，丁禮民、陸安山、朱萸生、秦伯虞、陳雨生同席。得吳月生上海信，寄宣威燄一條、陳酒一罌、照片一張。校高麗碑全文第四冊。曾鶴松以朱箋求書。

廿九日丁丑，雨。李洛才來。還《農務報》六冊與洛才。發鄧熙之信。校高麗碑全文第五冊畢。發永賢信。門人李務臣、郭時徹、黃子貞來。跋《鄭惠王石塔記》、《□元素為男山僧乞壽記》。老聶送帳來。鏡涵病。延王韻生診脈。

卅日戊寅，晴。校張文忠《歸田類藁》五卷。朱虎臣、張受之、褚百藥、黃玠夫來。得常州電報，言有太尊交卸，初六赴蘇。接丁脩甫信。寄《景陸彙編》六冊。覆丁脩甫信。鏡涵病如故。

二月己卯朔，晴。拜劉峴帥、曾鶴松、蒯禮卿、陳伯雅。校《歸田類藁》第六卷。鏡涵病未愈，未便回里門。伯雅來。薦李升來。

二日庚辰，晴。曾鶴松來。接太倉繆衡甫信，寄書六種。跋山西碑。送《炊聞詞》上卷於吳糧道。跋《陽摩山功德銘》、《權澈琵琶泓詩》、《白鶴觀碑》。

三日辛巳，晴。午後陰。校《炊聞詞》。移住書房。柯慈庵送《常山貞石志》十部來。校《歸田類藁》卷七至卷十。晚雨。

四日壬午，雨。專王升赴常州。發惲仲山信，寄三月課題、《翼教叢編》。發有夢槩信、附摺扇一枋。又祿田信，寄字典一部、《中

興頌》一本與多保。又袁子俊信，附張華農信一件，王士模信，青暘章爾爵信。卯刻起程。發蕪湖凌塵遺信，寄朝鮮碑全文、《常山貞石志》、放翁鍾山題名。發陶子林信。寄《二妙集》九、十兩卷，《牡丹記譜》刻樣。發永賢信，寄《常州詞錄》末卷。校《歸田類藁》卷十一、二。

五日癸未，晴。接鄧熙之信。跋青蓮寺碑及經幢，又皇甫曙造經幢。校《說鈴》。錄舊本書目。周春浦來，送自庵師跋《古香齋蘇注》乙部。

六日甲申，晴。鄧庶常孝先邦述來。丁禮民來。拜李□□維翰、鄧孝先、劉聚卿、劉嘉樹。錄舊本書目。接眉娟信。接劉光珊信。跋《開成經幢》。

七日乙酉，晴。許少嵩葉芬、劉朗軒冠侯來。發鄧熙之信，發京師葉鞠裳信、龐綱堂信。拜少嵩、禮民。唁龍松岑。

八日丙戌，晴。接龍城甄別卷六百有零。接袁磧秋信、子占信。湖北王德銘潤身來。沈安山、劉聚卿來。錄輿地類舊書目。閱《詞章》卅。延王韻生診脈。跋《王宰題名》、《高壁鎮通濟橋碑》。校《歸田類藁》十三、四、五。閱。

九日丁亥，晴。詣陳伯雅談。接永賢信，寄醬菜、香片、信箋。錄醫學類舊書目。跋鳳台經幢。閱龍城賦卷。又接永賢信。

十日戊子，晴。松晴川麟、楊熙昌來。錄醫學舊書目。閱龍城賦卷。跋天福經幢。延王韻生診鏡涵脈。

十一日己丑，陰。錄醫學舊書目。閱龍城論卷。跋《重修孝文帝廟碑》。汪鐵夫送雞魚。

十二日庚寅，晴。發惲眉卿信。發上海蒯禮卿信。李洛才、洪蔭芝、鄧孝先來。門人陳壽晃、曹鈞來。接老陶信，寄《二妙集》寫樣。季昌、袁子俊、王升自江陰來。接祿田信、章爾爵信、王士模信、金淮生信。送蔭芝《孔北海年譜》、《水雲廬詩》、《齊雲山人文》。發老陶信。閱龍城論卷。接傅茗生信。李洛才送點心。又發太倉繆衡甫信，並《常山貞石志》。發鎮洋吳月笙信。印《孔北海年譜》廿冊來。

十三日辛卯，陰。風。閱詞章卷畢。拜王德銘、曹幼園、秦伯虞、松晴川、吳劍泉學廉、汪叔芾嘉業、汪鐵夫。書估送書來，留《鍾山志》、《兩朝剝復錄》、《先撥志始》。

十四日壬辰，陰。風。陳伯雅、傅茗生來。跋《鹽池新堰箴》、《放商鹽頌》。發惲仲山信，寄輿地課卷。送年譜與茗生、伯約、伯虞。校《樵歌》三卷。

十五日癸巳，晴。風。閱龍城經史卷畢。接陳善餘信。詣陳伯雅談。黃玠夫招飲，何詩孫、龔虞賓、楊輔卿、章味青、黃鹿泉同席。

十六日甲午，晴。風。發惲仲山信，並閱卷。又送《顏氏學記》乙部。發金淮生信、德豐信。腹痛不止，肝氣夾食，舊病也。接鄧熙之病信、青華信。校《二鄉亭詞》。購定書籍。《鍾山志》、《賭棋山莊詞譜》、《瀛奎律髓》、《葉詩》。

十七日乙未，晴。發天津李少東信、周孟侯信。定《樵庵叢刻》書目。服王韻生藥。病稍解。

十八日丙申，陰。發京師王佑遐信。寄《樵歌》、《孔北海年譜》。發廣東子占信、陳孝蘭信。王寄甫借《鶴徵錄》、《南北朝世

表》去。接凌塵遺信。濮青士、陳伯雅來。約黃麓泉膺、何詩孫、陸安山、王潤身、黃玠夫、翁長芬小飲雲自在龕。晚雨。

十九日丁酉，雪，寒。午後止。丁秀甫還《南北朝世表》。發松雲信，言翁事。發孫景裴信，璧手本。老陶寄《家語》清樣來，即送聚卿。聚卿還五十元。又交宋板《家語》乙部、拓本五大箱。撰策題。送茗生《臨安志》乙冊、《日本雜事詩》二冊。

廿日戊戌，晴。發夏閏枝信、董效曾信。秦伯虞來，借《續經世文》下四函去。聚卿送目錄及《齊山巖洞志》來。改劉虞聲冠侯文。排山西續碑目。排古泉搨本日。

廿一日己亥，晴。到昭忠廟，送龍松岑太夫人殯，又慰濮青士。接吳景周信。汪久華、洪月波、陳伯雅來。校《二鄉亭詞》卷二。

廿二日庚子，小雨。接永賢信。發陶子霖信，寄《二妙集》寫本八卷、刻本五卷，《家語》跋與圖書《劉徵君年譜》補葉。鄭蘇堪信，交《留溪外傳》板子。收回二百〇十千錢。又發永賢信、吳景周信，寄《孔譜》乙冊。

廿三日辛丑，陰。拜有夢槩、蒯禮卿。有夢槩來，面交陳伯雅一名條。跋《關氏世系碣》、《段直碑》。錄類書舊本日。晚雨。

廿四日壬寅，雨。發德豐信、金淮生信，寄還《陶廬雜憶詩》。王潤身來。陳伯雅、桂殿華、周春浦來。夏表侄挺齋詣靈自江陰來。寫舊本類書目。跋《芮城縣題名碑》。裱《李含光碑》，先付四元。

廿五日癸卯，稍晴。清明，家祭。送書與汪拙甫。陳惠階周塏，新甯人。來見。蘇暄來。發夏滌初信。錄姓類書目。晚小雨。冷。校《南渡十將傳》。

廿六日甲辰，陰。拜馬鐵孫繩孫、龔□□以銘、傅茗生、黃麓生玠夫。跋山西金石畢。

廿七日乙巳，微晴。蒯禮卿、黃玠夫來。校《南渡十將傳》。接江津芸孫信。

廿八日丙午，晴。褚伯約、陳伯雅、馬鐵孫來。送《常山貞石志》、《常州詞錄》、《江陰人著述》三種與夏閏枝，託王德銘帶。錄舊書目錄類。訂《山右石刻》續兩冊。丁禮民約具並會定脩楔日。

廿九日丁未，晴。發芸孫信、桐九信、山西胡硯孫信，寄《山右石刻錄》後序、夏閏枝信、馮潤田信。張季直來。接茅子貞信並春茶。校唐夢賚《志壑堂詞》。李飴和支十元去。

三月朔己酉，晴。首府送春節脩金三百兩來，交春和。錄目錄舊書目。劉宅送拓本來。寫《貴池金石記目》。詣春和，交銀票。詣李洛才，交《農報》六期九十本。送馬鐵孫六元，並《水雲樓詞》、《孔北海年譜》。

二日庚戌，晴。辰刻，褚伯約、羅敬之大猷、孫黼丞寶穀、陳伯雅同游孝陵。後至靈谷寺，讀《大明孝陵聖德神功碑》，剝蝕止數字。寺前樹木叢雜，門前即萬工池，已堙塞。右重建龍王堂，匯鍾山泉為小池，俗呼曰龍池。誌公塔已毀。晚，由孝陵衛大路入城。發恒裕信，董效曾兌去京平足銀二百兩。寫《貴池金石目》。

三日辛亥，雨竟日。寫《貴池金石目》畢。接葉鞠裳信。丁禮民約治小學舍修楔，桐城金小軒元鼎、華陽馮惇五驥、宿遷鮑雲壑掄魁、蘇州沈子良維驥、太倉陸安山、秦伯虞、司馬晴江、陳雨生、傅茗生同席。

四日壬子，雨竟日。拜張季直、吳仲飴、劉嘉澍，均長談。校

《金石跋尾》，校《名蹟錄》卷一。發饒州吳幼園信、蕪湖凌塵遺信。補《常山貞石》一本。

五日癸丑，晴。柯瑟庵、曹幼園來。校《名蹟錄》卷二。校《金石跋尾》。撰《完顏文勤公神道碑》。陳伯雅來。

六日甲寅，晴。校《名蹟錄》卷三。接鄧熙之信，並白酒廿斤、楂糕兩合，旋交回信。又還汪宅畫兩張、洋十元。發永賢信、陶子霖信，寄地圖。黃玠夫來早飯，同至大中橋北看地基。接瞿耕甫信、劉雨江信。寫舊本目錄類。晚得雨。荅生借《海錄碎事》去。

七日乙卯，雨。校《名蹟錄》四。王德銘來。寄詩丁禮民。寫《藝風文集目》。校《貴池金石》。

八日丙辰，陰。校《名蹟錄》五。章鼎臣高元來。荅生還《海錄碎事》來，借《後山集》去。拜松晴川、張季直、鮑張兩老師、徐積餘、柯瑟庵、姚□□繼衡、萬欣陶□□。瑟庵處見東洋州鐘識。欣陶出視《漢石經》兩冊，一黃小孫藏本，一孫淵如藏本。校《北夢瑣言》三卷。

九日丁巳，陰。二兒生日，餐麪。詣傳荅生談。又與王德銘送行。校貴池金石。門人曹昌祐來。定小說書目。撰《崇文勤神道碑》。還吳申甫《涂子類藁》、《松垣文集》、《鈍翁說鈴》、《名賢手札》、《南渡十將傳》、《名蹟錄》、《北里志》七種。胡硯孫信及《山右石刻續錄》，袁磬秋信，均交王升帶。

十日戊午，晴。釋貴池金石。褚伯約、姚□□來。繼母生辰，家祭。編小說書目。送詩與伯虞。丁、陸兩學宮送和詩來。王升回山東。

十一日己未，雨。錄舊本小說書目。接羅叔蘊信。吳仲飴約小飲，伯約、遜庵、履卿同坐，出眎董香光山水、劉石庵行書、夏仲昭墨竹三卷子，宋搨臨江帖下卷，明搨雁塔聖教，王聖教“聖上”已作“望”，周昉美人圖。石溪、石濤、黃尊古、石谷、項易庵、程穆倩山水冊，高南阜左手畫，華新羅冊子，宋元手札三冊，均絕佳。再看金板《五音韻譜》。

十二日庚申。弔濮青士夫人。發綏甫揚州信、文運堂信。跋《梁昭明太子廟碑》。松晴川、徐積餘來。校《北夢瑣言》三卷。

十三日辛酉，晴。校《中興十將傳》一卷。校《北夢瑣言》二卷。羅經之約游雨花臺。在劉園小飲。張季直、賴湘浦、石孫、黼丞、陳伯雅同座。上雨花臺，正夕陽在山，炊煙欲上矣。回訪秦伯虞，不晤。再詣陳伯雅談。

十四日壬戌，晴。校《中興十將傳》一卷。校《北夢瑣言》三卷。秦伯虞、萬欣陶來，伯虞和詩極佳。撰《趙待制勅跋》。聞濟甯師病歿。晚陰。接永賢信、胡介春信。

十五日癸亥，晴。校《中興十將傳》畢。校《北夢瑣言》畢。裝書板入版架。況周儀來，贈揚州石墨。接惲仲山信並龍城超特等名字。

十六日甲子，校《二鄉亭詞》三卷。校《紹陶錄》乙卷。徐積餘來。詣傅若生談。發永賢信、胡介春信、岑堯階信。編小說書目。開課。出題。

十七日乙丑，晴。校《紹陶錄》一冊。校《小學彙文集》。陳伯雅、梁莢來，贈以《常山貞石志》、《孔北海年譜》。接丁脩甫信，寄《文瀾閣志》三部。接吳申甫信。錄小說書目。送《文瀾閣志》與若